

道阿科範大全集卷之六十二

啓七

道門科範大全集卷之六十六
十六二十一卷

啓七

廣成先生杜光庭刪定

北斗延生道場儀

啓壇行道

陞壇法事如式

各禮師存念如法

宣衛靈呪

五星列照 煥明五方 水星却災 木德致昌

熒惑消禍 太白辟兵 鎮星四據 家國利亨

名刊玉簡 字錄帝房 乘飈散景 飛騰太空

出入冥無遊宴十方五雲浮蓋招神攝風
役使萬靈上衛仙翁和與道合真

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧

法七

香驛龍騎吏侍香金童傳言散花玉女五帝
直符直日香官合三十六人出出者嚴裝顯
服冠帶垂纓關啓玄壇土地方域神真臣今
靜夜行道謹奏爲入意其諸情悃已錄告聞
願得太上十方至真道炁靈寶瑞光下降流

入臣身中令臣所啓速達徑御

太上無極大道

昊天玉皇上帝御前

請稱法位

具位臣某等謹同誠上啓

虛无自然元始天尊太上大道尹太上老君
昊天玉皇上帝九皇上真十方已得道大聖
衆至真諸君丈人三十六部尊經玄中大法
師圓穹玄象日月星辰北斗尊帝七元輔弼
星君南極大帝丈人司馬六司星君本命元

辰洞天海嶽三界官屬一切真靈臣等以今
奉爲弟子某伏值本命所屬北斗某星君下
降之辰預夜就某處建立華壇修設延生注
祿靈寶清醮一壇命臣等以今日時宣行
齋法薦福消災奏章懇願增延福壽濟度存

啓七

二

亡臣竊以弟子某身在塵寰命由天府若不
醮謝真君及轉經行道則天曹命曆無由添
筭陰司罪簿無由落名臣等見在懇切專誠
理宜關奏伏乞
天恩蕩宥赦除弟子某億劫以來至于今日

三業六根無邊之罪或魂神被繫禍患來鍾
或重病不痊邪妖剋害或塚訟徵呼或先亡
復連或上天譴責或下鬼訴誣並願斷除使
身清靜關奏感通善達天司得與弟子於本
命限期增祿增壽使其立功濟物功滿德就

侍衛

帝宸無極道前

懺悔

重稱法位

具位_臣等謹重誠上啓

虛無自然元始天尊太上大道君太上老君
昊天玉皇上帝九皇上真十方已得道大聖
衆至真諸君丈人三十六部尊經玄中大法
師圓穹玄象日月星辰北斗尊帝七元輔弼
星君南極大帝丈人司馬六司星君本命元
啟七
辰洞天海嶽三界官屬一切真靈三臣等伏聞
禪黎演教開穰災度厄之門玉局傳經有削
死延生之法是乃遵依科教開建齋壇迎集
天祺祓除時沴上延景貺以弭餘沴臣等啓
事之初告齋惟始將宣行於道化欲洪濟於

斯人延永命於無窮達至誠於有感況奉詞
旨敢不上聞

宣詞

按如詞文灼見誠悃致苾芬而交薦燎馥郁
以上通執鋒步斗而百魅潛藏披篆宣文而
千災蕩散命霓裳於清館設醮席於華堂明
燭騰輝靈旛散影鍾磬節空歌之奏旌幢引
仙馭之臨諒精意之升聞感衆真之來格恩
惟三清上聖十極高真垂神省覽監察丹衷
乞勒監察使者里域真官奏事金童傳言玉

女靈寶官屬一合同心肅清內外營護道場
使臣等神氣不遷思念立感啓奏上達齋功
成就庶使弟子某智慧性圓道心開發出羣
途徑入希夷門皈奉真宗達生榮界臣無任
懇禱之至謹稽首再拜以聞

十二願

復爐

謹攝香官使者左右龍虎君侍香諸靈官當
令臣向來靜夜行道之所自然生金液丹碧
芝英百靈衆真交會在此香火爐前當願十

方仙童玉女接待蘭煙傳臣向來所啓之誠
速達徑御

至真無極大道

昊天玉皇上帝御前

出堂頌 出戶

卷七

四

道門科範大全集卷之六十

道門科範大全集卷之六十

道門科範大全集卷之六十

道門科範大全集卷之六十一

廣成先生杜光庭刑定

北未延生道場儀之六十一

靜夜行道

法事陞壇如式

各禮師存念如法

宣衛靈呪

五星列照煥明五方
水星却災木德致昌
熒惑消禍太白辟兵
鎮星四據家國利亨
名刊玉簡字錄帝房
乘麟散景飛騰太空

出入冥無遊宴十方五雲浮蓋招神攝風
役使萬靈上衛仙翁和與道合真

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧

啓七

五

香驛龍騎吏侍香金童傳言散花玉女五帝
直符直日香官合三十六人出出者嚴裝顯
服冠帶垂纓關啓玄壇土地方域神真臣今
靜夜行道謹奏爲入意其諸情悃已錄告聞
願得太上十方至真道炁靈寶瑞光下降流

入臣身中令臣所啓速達徑御

太上無極大道

昊天玉皇上帝御前

請稱法位

具位臣某等謹同誠上啓

虛无自然元始天尊太上大道君太上老君
昊天玉皇上帝九皇上真十方已得道大聖
衆至真諸君丈人三十六部尊經玄中大法
師圓穹玄象日月星辰北斗尊帝七元輔弼
星君南極大帝丈人司馬六司星君本命元

辰洞天海嶽三界官屬一切真靈臣聞翕張
元氣北斗爲七政之樞機號令羣生北斗爲
上天之喉舌俾彼羣象屬茲命元以其運於
天地之中降其衷爲短長之命分歲直而各
主總化生之大原貴而王公下而士庶一均
賦與咸上稟於天元密運回環迭有臨於辰
次以一年而觀乎時運凡六度降在人間當
其颺馭下翔靈恩博濟定壽數之期限爲性
相之本根雖天道公而無私在物理求而必
與設醮弟子其素有道心之發欲臻善果於

身黜謝真君不忤靈期之虛過投告北斗仰
資萬炁以長存臣等備位真司留心齋法龍
章鳳篆披妙蘊以洪敷寶笈琅函助仙風而
誕布況奉詞旨敢不上聞齋意青詞謹當宣
奏

宣詞

卷七

六

按如詞文誠切修奉廣陳供養備列威儀燎
以百和之香德馨並達明以九微之燭心鑒
遙通奠金醴以交神進瓊腴而薦品大則法
天像地小則酌水獻花備物以表誠虔心而

致告求無邊之福利夙夜勤劬憑無上之法
橋存亡普度以今靜夜行道請法衆等運茲
初捻上香供養十方一切道寶臣等皈身皈
神皈命

太上元始天尊昊天玉皇上帝九品上聖以
是功德仰祝

今上皇帝陛下伏願景命有赫萬壽無疆玉
帛駿奔車書混一日月合璇璣之度陰陽均玉
燭之和河海晏清干戈偃戢無一夫之失所
得萬國之驩心並降之瑞荐臻太和之氣浩

作今故燒香自歸依

道尊大聖衆至真之德得道之後昇入無形
和與道合真

以今靜夜行道請法衆等運茲二捻上香供
養十方一切經寶臣等皈身皈神七命

太上玉宸大道君紫微天皇大帝九品上真

以是功德歸流醮主某九世七玄億曾萬祖

陰宮夜府一切亡靈伏願鍊沐神魂昇入洞

陽之境超離鬼籍別生景福之天受仙官拔

度之恩斷鬼神連逮之役慶流後裔功及宗

人今故燒香自歸依

經尊大聖衆至真之德得道之後昇入無爲
和與道合真

以今靜夜行道請法衆等運茲三捻上香供
養十方一切師寶臣等皈身皈神皈命

太上金闕老君紫微北極大帝九品上仙以
是功德歸流醮主某屆茲元命之辰別注殊
常之福遠爲期限並龜鶴以齊年除去害災
與珪璋而比德所有行年之上運限之中或
暗曜臨身或黑符加運或值運元之衝破或

當氣本之衰微並願本命星官本宿神將悉
來擁護無使傾危回死注生變凶爲吉仰資
道廕並荷玄休今故燒香自歸依創志書矣
師尊大聖衆至真之德得道之後昇入無爲
和與道合真

唱方 懺方 三啓 三禮

具位臣某等謹同誠上啓

虛无自然元始天尊太上大道君太上老君
昊天玉皇上帝九皇上真十方已得道大聖
衆至真諸君丈人三十六部尊經玄中大法

師圓穹玄象日月星辰北斗尊帝七元輔弼
星君南極大帝丈人司馬六司星君本命元
辰洞天海嶽三界官屬一切真靈臣等伏以
太上慈悲爲衆生之父母本命經訣作當世
之津梁儻匪慈航孰登道岸自聖真之界付

啓七

八

許寰海之宣行永壽改元之初至于今日太
清闡教之久傳及小臣不量弱質之凡輒演
真科之妙伏乞九清重盼三洞流光憫以大
慈開以大宥赦除弟子某爰從歷劫逮及今
生捨身受命從苦入苦漂沉六趣混合衆生

或富或貧或貴或賤或生夷域或在中華不
悟正真罔知經戒務追時好以取世資失性
任情貪財背義妬賢嫉善不親勝己之人冒
法爲非不顧陰司之錄罪根深重惡業縈纏
或得罪於穀父蠶母之神或受報於陰考陽

罰之數違明真之科典犯三元之品文五帝
四司記其自爲之孽三官九府校其所作之
非被天司之減筭除年無善功之消災懺罪
魂神被繫禍患來鍾或連年而疾病不痊或
累歲而邪妖剋害近則先亡連復遠則塚訟

徵呼被下鬼之訴誣蒙上天之加譴連逮祖
禰流注子孫今投解謝之門乞免淪沒之苦
未赦者赦未原者原應其請福延生之求聽
其修齋設醮之願所削落者皆三災九厄所
衛護者有萬聖千真易短促之年為延長之

啓七

九

筭變災衰之運為吉慶之期富貴聰明處人
中之殊勝快樂自在獲壽量之無窮均福利
於同居覃恩光於後裔上明
天尊大慈之澤下副臣等歸命之誠謹啓以

聞

十二願

復爐

謹攝香官使者左右龍虎君侍香諸靈官當
令臣向來靜夜行道之所自然生金液丹碧
芝英百靈衆真交會在此香火爐前當願十
方仙童玉女接待蘭煙傳臣向來所啓之誠
速達徑御

至真無極大道

昊天玉皇上帝御前

出堂頌

出戶

道門科範大全集卷之六十一

道門科範大全集卷之六十二

廣成先生杜光庭刪定

北斗延生道場儀

設醮行道

法事陞壇如式

各禮師存念如法

宣衛靈呪

五星列照 煥明五方 水星却災 木德致昌

熒惑消禍 太白辟兵 鎮星四據 家國利貞

名刊玉簡 字錄帝房 乘飈散景 飛騰太空

啓七

出入冥無 遊宴十方 五雲浮蓋 招神攝風

役使萬靈 上衛仙翁和與道合真

鳴法鼓二十四通

無上三天玄元始三炁太上道君太上老君

召出巨身中三五功曹左右官使者左右捧

香輿龍騎吏侍香 金童傳言散花玉女五帝
真符直日香官合三十六人出出者嚴裝顯
服冠帶垂纓關啓玄壇土地方域神真臣今
靜衣行道謹奏為 入意其諸情悃已錄告聞
願得太上十方至真道炁靈寶瑞光下降流
入臣身中令臣所啓速達徑御

太上無極大道

昊天玉皇上帝御前

請稱法位

具位臣某等謹同誠上啓

虛无自然元始天尊太上大道君太上老君
昊天玉皇上帝九皇上真十方已得道大聖
衆至真諸君丈人三十六部尊經玄中大法
師圓宮玄象日月星辰北斗尊帝七元輔弼
星君南極大帝丈人司馬六司星君本命元
辰洞天海嶽三界官屬一切真靈臣等伏以
性命皆憑妙道之所生形體皆爲本宿之所
掌一身之元辰驛馬奉天令以解除害災七
元之本命星官察人爲以增崇福壽當有威
儀之像世必聞真聖之通靈恭惟

北斗本命真君造化之樞機陰陽之元本主
持人命統御萬靈有回死注生之功示懺罪
消災之法然道爲萬氣之母天乃百神之宗
命雖主於七星事悉關於天府故五行共稟
七政同科凡當元命之辰普降衆真之駕醮
主弟子某仰延藻衛披露精衷揚典禮於靈
壇接威神於靜夜雲璈迭奏舉空洞之靈歌
寶笈重宣紛鬱葱之佳氣蕙肴豐苾醴酒馨
香恭協靈期敢忘本始伏願八瓊駐景三素
飛駢下天蹕於空中降玉華於庭際五色之

彩雲覆地仙仗來臨九天之真氣帟壇帝容
有赫萬靈侍衛諸天下觀監茲無貳之誠心
錫以難窮之壽筭五福咸備百祿攸宜三世
罪空一身神集使醮主弟子某業無報而自
落善有應而彌修家生忠孝之子孫身積神
仙之功行生存受度水陸霑恩臣與齋官無
任虔頌懇禱俯伏望幸激切之至謹稽首再
拜奉迎

聖駕

請聖
初獻
散花

重稱法位

具位臣某等謹同誠上啓

三清上聖昊天玉皇上帝諸天帝座三寶神君臣闕六甲內馴隨彼機衡之運五行迭旺示茲龜鳥之時觀三百六旬之中皆七十二

啟七

十三

候之紀一歲之運也一星以主焉試推甲乙之遷潛格堪輿之應碧霞殿卜以丙午歲而說消災之文玉局座中以乙未年而示延生之訣丁丑丁卯丁巳則玉女所直甲子甲寅甲申則三皇所司關令尹以壬午日中親逢

太上葛仙翁以庚寅日夜遠降天真。是知本命之期。當有百靈之集。設醮弟子。某香花作供。首體歸誠。瞻穹極之斗標。隨心控告。儼齋詞之醮席。注想尊靈。禮行初獻之儀。位降周天諸之聖。享神貴德。不貴味願。歆明德之馨香。天以實而不以文。冀通款實之祝忱。詞致告精懇。備存啓茲丹字之函。召乃紫清之蔭。乞回飈景。臨鑒齋盟。弟子青詞。謹當敷奏。

宣詞

諦詳齋款。灼見至誠。爰求端命於天。肅祗科

醮保比克生之質永奉神靈伏蒙上聖垂光
虛皇乃眷咫尺清都之馭真侶詵詵雍容仙
旆之臨睟顏穆穆駐仙儀於靖館達誠悃於
帝聰盼纒相符荷至神之不昧希微有象錫
瑞應以潛臻敢因元命之期普洽自天之祐

啓七

十三

臣與齋官無任歡呼抃蹈激切知歸之至誠
惶誠恐稽首再拜謹陳亞獻

散花

具位臣某等謹同誠上啓

北辰帝座斗中七星五福十神二十八宿周

天列曜一切尊靈臣聞有命在天孰不資於
洪造維北有斗寔統屬於羣生爰自太極肇
分三光迭照普斗柄之在上號帝車而運中
獨稱象緯之尊斡旋天地密運化機之妙稟
貸生靈粲然一星之光蠢爾萬夫之命醮官

其志不忘本念厥生之有初命實開先乃毓
形於今日戒先世迷真之故懼天司奪祿之
殃嚴啓道筵再伸獻禮香炷交騰於瑞霧星
燈爛接於神光法音琅琅仙儀翼翼天人相
交之際福祿來下之時靈契斯通至誠所感

願延命限展壽域以無窮錫以神禧鞏福基
而永固北斗七千之神將衛護南陵三千之
使者追隨掃蕩災沴消除魔鬼五藏之神君
常保三生之男子長為婦人則云守形帝座
流輝天精散彩各守辰躔之次共儲分野之

祥臣與齋官無任虔懇戰越之至稽首再拜
謹陳終獻

散花

具位臣某謹重誠上啓

五嶽十山三河四海十洲三島四瀆九江福

地靖廬洞天靈化三府官治一切威靈臣等
伏聞東啓明而西長庚南有箕而北有斗仰
觀上象煌煌有爛之文維是七星一一注生
之本宣至精於物表幹洪造於天中認本命
所屬之星設靈寶告真之醮是爲知本乃不

啓七

十四

輕生設醮弟子某消選休辰式陳明薦尚慮
志雖自勵行或匪彝踈煩想於心宵遷善遠
罪檢仙圖於軌格好道求靈增潔意以滋深
望靈休之疊委今則嚴更未艾悉周三獻之
勤玄感已通願保百齡之永伏冀三靈臻貺

萬聖流輝落滅罪根俾欽承於精曜恢洪慶
會永無媿於人身解三災四殺之迹除五行
六害之苦無七傷而有七元之護衛無八難
而有八天之監觀夫妻保偕老之期男女有
宜家之慶婦無產生之厄鬼無復連之纏疾
病皆痊疫癘無染精邪伏匿狼虎潛藏官災
塚訟永消除地網天羅俱解釋交游無呪咀
之事往來無劫賊之虞同處家門並臻康泰
臣與設醮弟子無任傾虔屏營之至稽首再
拜以聞

宣功德疏

具位臣某等謹重誠上啓

三清上聖十極高真海嶽神靈天地仙衆三界官屬一切威靈臣等伏以祇建明科昭飭馨薦上通霄極奉絳闕之明威延致真靈煥

啓七

十五

玉光於空洞三挹既清之醴一陳仰告之詞垂監在高有祈無斃伏念弟子某性無他好惟善是修聞而必行惟齋克舉靈辰荐及元命忽臨終夕之靈壇肇開六度之雲駢下暨皇明已燭業障俱空別延天府之命元不絕

人道之種子更冀流以真氣沃以太和照以
靈光沐以神澤使弟子某漸登妙果重立玄
功證妙道之虛無具圓通於聖智逍遙紫雲
之際昇入金闕之門與萬聖以協和超三界
而自在永不輪轉壽量無窮靜言仙路之開
皆自今日之始次乞弟子某家七先神識九
祖幽儀沐浴流火之庭步武朱陵之府乘洞
陽之氣受記三清離萬鬼之羣遠辭泉曲殃
注永絕逮役不聞利佑後人增延景福次及
父母兄弟夫婦女男盡滌罪瑕咸蒙福佑紫

文注善增福祿於玉帝案前黃籍紀功闕姓
名於太皇殿上徧合門而受祉延百載以蒙
休除九皇行度之災雖刑衝而無為逆害免
二運凶衰之數值空絕而更益年齡長幼康
寧族屬和睦次乞兵偃刑措道洽化醇集大
慶於邦家無夷寇之患布神休於黎庶有謳
歌之歸混合車書鎮安天地陽九百六制劫
運以無憂四輔千官禮公忠而報國湛恩及
於庶物授職徧於羣臣凡居覆燾之中同諗
雍和之化今則天香尚靄仙衛將回芝童執

節以前迎雲馭控廳而直上臣等朝真班退
告齋事終已蒙天眷之臨永共靈期之協臣
與設醮弟子某等無任攀戀知歸之至謹啓
以聞

十二願

卷七

復爐

十一

謹攝香官使者左右龍虎君侍香諸靈官當
令臣向來靜夜行道之所自然生金液丹碧
芝英百靈衆真交會在此香火爐前當願十
方仙童玉女接待侍蘭煙傳臣向來所啓之誠

速達徑御

至真無極大道

昊天玉皇上帝御前

出堂頌

出戶

道門科範大全集卷之六十二



